

德佛復告大衆假使有人以恒河沙等上妙七寶施十方佛不如有人於佛滅後餘五十年受持讀誦書寫是經所得福多佛說是經已諸天世人聞已歡喜信受奉行

何澤川

大方等大集經卷第二十二

國七

大方等大集經卷第二十三

有一

北涼天竺曇無讖譯

虛空目分第九

聲聞品第一

尔時世尊故在欲色二界中間大寶坊中與無量比丘僧諸大菩薩圍遶說法時舍利弗

乙

升

目犍連等出家未久以舍利弗目連因緣說聲聞法雜四真諦爾時衆中有諸人輩本是外道諸根闇鈍自謂有智起大憍慢增長色慢欲慢無明慢勝慢非法慢未得第二第三第四沙門果證是故如來爲如是等宣說中道爲離如是惡煩惱故如來說是中道義時

如是諸人各各論說斷見我見爾時世尊即作是念哀哉諸人本外道故雖入佛法猶如大慢於未得中而生得想於未知中而生知想於如法中而不修行雖順四諦而不能得四無礙智乃至不得第四果證爾時世尊二手舉捉瞻婆華鬘發大誓願以願力故於華鬘中出生四寶一帝釋寶二天光寶三金剛光寶四勝諸光寶一一寶中出大光明遍照此間娑婆世界光明出已擲之虛空時華鬘中說是偈言

雖除鬚髮不去結 被服染衣不離染示佛爲師不隨教 如是之人汙大衆
如來宣說正法時 而復不能至心聽是人不得真實義 亦不能離諸煩惱
若能覩此實法性 是人破壞無明慢
若有親近善知識 是人速得甘露味
若能呵責於生死 是則能得到彼岸
是人具足戒多聞 亦具禪定智慧聚

若人能壞煩惱魔 遠離陰魔及死魔

摧伏天魔諸眷屬 常當親近無上尊

說是偈已聲聞弟子有憍慢者咸作是念如
來知我並有汙心是故爲我說如是偈即時
心中生大慚愧及四天下佛諸弟子亦復如
是生慚愧心於一念頃悉來集會尔時無量

百千万億聲聞大衆悉來聚集於是佛知衆
會已定即爲宣說雜四真諦時此寶綬直往
南方過九万二千恒河沙等諸佛世界彼有
世界名金剛光明藏其土衆生具足五淨有佛
世尊号金剛光明功德如來應正遍知明行
足善逝世間解無上士調御丈夫天人師佛

有大集主

世尊亦爲四衆宣說如是雜四諦法而彼會
中有諸菩薩聲聞四衆比丘比丘尼優婆塞
優婆夷見是寶綬大光明已觀察四方仰見
寶綬在佛頂上虛空中住即白佛言世尊如
是寶綬從何處來誰之所遣彼佛答言善男
子北方去此九万二千恒河沙等諸佛世界

彼有世界名曰娑婆有佛世尊号釋迦牟尼
如來應正遍知明行足善逝世間解無上士
調御丈夫天人師佛世尊亦爲具足五淨衆
生宣說開示雜四諦法如我今於此土無異
善男子彼佛世界所有衆生甚大癡闇麤穢
輕躁生大憍慢多作惡業難調難解是故釋
迦牟尼如來爲此大集於大衆集中演說正
法爲壞如是諸大惡事彼世界中所有衆生
於未得中而作得想於未證中而作證想於
未修中而作修想是故彼佛欲大說法如法
修行爲壞如是大憍慢故爲得盡智及無生
智將欲宣說虛空目法行爲得聲聞緣覺佛
果欲開如來無上法藏是故彼佛遣此寶綬
從我索欲我今與之并欲以是法目陀羅尼
贈彼爲信能作無量微妙大明能乾一切諸
惡煩惱能持一切所聞不忘能淨一切心之
垢汙能護一切諸善禁戒能入一切大智慧
中能護一切無上三昧能護已心生他喜心

有大集主

三

受持聖法遠離諸病所求之法如願即得增長一切資生所湏亦能長養一切善根能調惡王及以四性諸惡鬼神鳥獸水虫護持一切諸善根本能得如來一切諸法乃至能得十八不共是故我今欲遣如是法目陀羅尼至彼世界與釋迦如來即告金剛山童子言

善男子汝可往彼娑婆世界稱我名字問訊彼佛金剛光明功德如來以此法目陀羅尼門遠贈世尊金剛山童子言世尊善哉善哉我亦欲往禮觀彼佛并欲啓受所未曾有虛空自法門尔時復有六萬億菩薩摩訶薩八千億聲聞大眾同聲而言世尊我等亦欲詣彼世界禮觀彼佛并欲啓受所未曾聞虛空自法門唯願如來加我神力令得往反彼佛答言善哉善哉諸善男子宜知是時是金剛山童子者能調伏汝即是汝等善知識也爾時彼佛即告金剛山童子言善男子諦聽我當爲汝宣說如是法目陀羅尼即說

呪曰

阿婆一 阿婆阿婆二 襲那蛇沙吒摩訶摩訶
四 摩訶陀婆婆婆五 樹喻塚六 阿陀七 那婆
那陀訶八 佛闍囉終九 安縷瀨終十 閻羅迦
咄十一 阿那窓得沙十二 洗復婆三 那婆嚕婆四
勤義魯遮那五莎吒咗婆六 陀羅尼哉闍七

彼囉伽嘯婆八 韶那廁九婆那鞞呼二十阿那
迦咄二十梶茶咩脩二十婆羅咗多三十脩魯遮那
咄魯遮那婆五十五魯遮蛇襲婆婆斯六十莎訶二
善男子汝當受持讀誦書寫是陀羅尼往彼
世界問訊釋迦牟尼如來如我辨曰四部弟
子樂受法不四姓之人能供養不衆生之心

不濁亂不常能親近於如來不復能尊重讚歎佛不增廣流布佛正法不金剛光明功德
如來以此法目陀羅尼門遠贈世尊能作大明乾燋一切諸惡煩惱乃至獲得如來十八
不共之法時金剛山童子受持讀誦書寫如
是陀羅尼已告諸大眾若欲往彼娑婆世界
有大集二十三

觀見釋迦牟尼如來并欲啓受所未曾聞虛空目法門者應當遠離一切色相亦莫念於分別之相當當修習虛空之相遠離一切取捨等相放捨一切塵勞等相解諸結縛專念虛空爾時大眾咸作是言善哉善哉善男子即前禮佛禮已繫念觀虛空相於一念頃即

來至此娑婆世界觀見釋迦牟尼如來頭面禮足供養供敬尊重讚歎右遶三匝却在一面合掌而立是時寶旛復往西方過八萬億諸佛世尊彼有世界名曰慧闇具足五淨有佛世尊号曰智幢如來應正遍知明行足善逝世間解無上士調御丈夫天人師佛世尊亦爲四衆宣說如是雜四諦法彼時會中有諸菩薩聲聞四衆比丘比丘尼優婆塞優婆夷見是寶旛大光明已觀察四方仰見寶旛在佛頂上虛空中住即白佛言世尊如是寶旛從何處來誰之所遣彼佛答言善男子東方去此八千億諸佛世界彼有世界名曰

娑婆具足五淨有佛世尊号釋迦牟尼十號具足亦爲四衆宣說開示雜四諦法如我今於此土無量乃至欲聞如來法藏是故彼佛遣此寶旛從我索欲我今與之并欲贈彼淨目陀羅尼能作大明乾燋煩惱乃至能得如來十八不共之法是故我今欲遣如是淨目陀羅尼至彼世界贈彼如來彼佛即告勝幢童子汝可往彼娑婆世界稱我名字問訊彼佛并以如是淨目陀羅尼門遠相贈遺時彼衆中有無量菩薩聲聞同聲而言善哉世尊我等亦欲詣彼世界禮觀彼佛并欲聽受所未曾聞虛空目法門乃至彼佛即說呪曰

有大集三

五

勿力呵一勿力呵二勿力呵三勿力呵四阿婆勿力呵五薩馳勿力呵六修婆奢勿力呵七那婆勿力呵八脩頗婆九阿能伽十松比義十一闍私羅十二那婆喫嚙嘴十三伽鉢羅十四那囉那謂十五宿沙十六趙奢私羅十七阿婆羅思羅十八摩訶迦曷那十九阿那閃陀羅

十二 阿娑呾伽二十 那猶多閃陀羅二十 婆頗
囉三十 阿襄伽伽四十 那囉拏五十 婆遮十二
六 守留多竭婆侈那七十 莎呵八十
善男子汝當受持讀誦書寫是陀羅尼往彼
世界乃至一面合掌而立是時寶曼復至北
方過九万九億諸佛世界彼有世界名曰爲

常具足五淨有佛世尊号發光明功德十号
具足亦爲四衆宣說開示雜四諦法而彼會
中有諸菩薩聲聞四衆比丘比丘尼優婆塞
優婆夷見是寶曼大光明已觀察四方仰見
寶曼在佛頂上虛空中住即白佛言世尊如
是寶曼從何處來誰之所遣彼佛答言善男
子南方去此九万九億諸佛世界彼有世界
名曰婆婆具足五淨有佛世尊号釋迦牟尼
十号具足亦爲四衆宣說開示雜四諦法如
我今於此土無異乃至欲開如來法藏是故
遣此四寶華曼從我索欲我今與之并欲贈
彼光目陀羅尼能作大明乾燒煩惱乃至能

得如來十八不共之法是故我今欲遣如是
光目陀羅尼至彼世界贈彼如來彼佛即告
勝意童子善男子汝可往彼娑婆世界稱我
名字問訊彼佛以是光目陀羅尼遠相贈遺
時彼衆中復有無量菩薩聲聞同聲而言善
哉世尊我等亦欲詣彼世界禮覲彼佛并欲啓
有大集二十三

六

受所未曾聞法空自法門乃至彼佛即說呪曰
闍婆摩一闍婆摩二闍婆摩三阿駒盧吒四
比婆闍婆五摩訶檀摩呾婆六阿羅闍七珊瑚
菩地八襄呾婆九阿囉闍婆婆十囉闍婆婆
十一闍拔叉蛇婆婆十二摩醯闍婆尼畔陀十三
比牟遮婆婆叫那囉蛇擎婆婆五斫啾婆婆
十六輸盧多婆婆十七輸盧多婆婆八伽恨擎
婆婆九嗜貳婆婆十迦蛇婆婆二十質多婆
婆二十婆茂陀羅婆婆三十輕擎婆婆十二
四比那修留拔婆婆五十莎訶二十

善男子汝當受持讀誦書寫是陀羅尼往彼
世界乃至一面合掌而立是時寶曼復至東

方云此六万千億佛土彼有世界名曰寶頂具足五淨有佛号曰寶蓋光明功德十号具足亦爲四衆宣說開示雜四諦法而彼會中
有諸菩薩聲聞四衆比丘比丘尼優婆塞優婆夷見是寶殿大光明已觀察四方仰見寶
殿在佛頂上虛空中住即白佛言如是寶殿
從何處來誰之所造彼佛答言西方去此六
万千億諸佛世界彼有世界名曰娑婆具足
五淨有佛世尊號釋迦牟尼十号具足亦爲
四衆宣說開示雜四諦法如我今於此土無
異乃至欲開如來法藏是故遣此四寶華殿
從我索欲我今與之并欲贈彼勝目陀羅尼
有大九二

能作大明乾燋煩惱乃至能得如來十八不
共之法是故我今欲遣如是聖目陀羅尼至
彼世界贈彼如來即告虛空聲童子善男子
汝可往彼娑婆世界稱我名字問訊彼佛并
以如是聖目陀羅尼遠相贈遺乃至復有無
量菩薩聲聞大衆同音而言善哉世尊我等
七

亦欲詣彼世界禮觀彼佛并欲啓受所未曾
聞虛空目法門乃至彼佛即說呪曰
阿羅摩一阿羅摩二阿羅摩三闍地囉闍
守犁地囉闍五伽闍呼六婆囉闍羅七阿那
遮八阿咗莎囉九咗伽莎闍那十那烏呵十
那囉地那烏呵二十摩醯濕波羅遮摩十三阿

摩呢呵叶呵她婆利羅五斫噉遮摩十六斫
噉婆斫噉那十七那婆那婆摩闍十八阿婆咗
婆村車婆那婆仁咗伽禪縷二十婆囉旃陀
囉二十摩醯濕波羅呢羅那婆三十婆檀摩
義蛇四十一莎訶五十

善男子汝當受持讀誦書寫是陀羅尼徃彼

世界乃至一面合掌而立時四童子變此世
界地平如掌香華幡蓋七寶具足爲供養佛
一切天宮阿脩羅宮悉爲振動諸天忧豫多
受喜樂咸以香華七寶幡蓋種種伎樂供養
於佛時四童子作如是等供養佛已上昇虛
空七多羅樹各執四寶說偈讚歎

佛是清淨大明王
於諸衆生心如地
爲衆生說清淨法
如來心等如虛空
具足戒禁及智慧
爲渴法者出惡世

爲諸衆生說甘露
大寶商士愍一切
令離諸苦及煩惱
其語微妙知真道
求滅煩惱降甘露
智炬大明能壞闇

雖無修習八聖道
如來猶故生憐愍
能度衆生生死岸
能令衆生悔生死
法寶久失佛今示
四方衆生已大集

有

卷三

微妙音告四童子諸善男子善來甚快從何
方面何故而來時四童子敬禮佛足周而圍
遶尔時金剛山童子言世尊南方去此九万
二千恒河沙等諸佛世界彼有世界名金剛
光藏具足五淨有佛世尊号金剛光明功德
如來十号具足今現在爲諸衆生宣說開示
雜四諦法彼佛勸我至此世界問訊世尊并
欲聽受虛空目法門世尊彼金剛光明功德
如來致敬懃懃問訊世尊并遣如是陀羅尼
能作光明乾焦煩惱乃至能得如來十八不
共之法即於佛前說如是呪乃至四童子亦
復如是說是呪已其地即時六種振動一切
龍王各你是言我等亦當共至佛所爾時東
方有二龍王一名牛護二名寶護是二龍王
與六万龍王南方亦二一名爲月二名婆脩
與七万龍來至佛所頭面敬禮前白佛言世
尊我等皆能受持讀誦書寫如是法目陀羅
尼若有比丘比丘尼優婆塞優婆夷受持讀

有
卷三

誦書寫如是法目陀羅尼者我等皆當誠心
守護西北二方亦復如是尔時世界一一各
有十万龍王來至佛所頭面禮敬尔時龜茲
國土有一龍王名曰海德是阿那婆達多龍
王弟與九万龍王于寶國土有一龍王名樂
歲寶亦是阿那婆達多龍王弟與一万八千龍
王波羅越國有一龍王名曰山德亦是阿那
婆達多龍王弟與二万龍王師子國土有一
龍王名曰寶歲與四万八千龍王毗茶國土
有一龍王名曰長髮與四万三千龍王念密
奢山有一龍王名曰婆脩吉與八千龍王烏
長國土有一龍王名阿鉢羅羅與二万五千

在塔內苦處靜室以妙香華種種幡蓋及諸
味漿供養於佛面正東向讀如是呪
婆吒置一婆吒置二休婁三休婁四屯豆婁
五屯豆婁六咗吒七咗吒八比藥呵九

既說呪已我便當來隨諸四衆之所願求我
悉當令一切成就若我不來即爲欺詐十方
諸佛亦莫令我成阿耨多羅三藐三菩提爾
時佛告羅睺阿脩羅王毗摩質多阿脩羅王
毗樓遮那阿脩羅王我今以此淨目陀羅尼
付囑汝等何以故汝有大力若有衆生不信
三寶能令信故諸阿脩羅王言善哉世尊我
當護持若有四衆比丘比丘尼優婆塞優婆

龍王乾陀羅國有一龍王名伊羅鉢多與三
萬龍王真丹國土有一龍王名曰三角與万
八千龍王難陀龍王優婆難陀龍王亦與無
量龍王共至佛所頭面敬禮白佛言世尊我
等皆能受持讀誦書寫如是陀羅尼門乃至
不忘不失一字佛言善哉善哉善男子汝等

夷若佛在世若滅度後受持讀誦書寫廣說是陀羅尼我於是等能施八事何等爲八一者健行二者樂聽受法三者心無怖畏四者常明無間五者善願具足六者解脫七者具足辯才八者善法增長世尊若阿脩羅父母兄弟妻子眷屬惄是人者我等當治若我等

於此世界中不護佛法者則爲欺詐十方諸佛爾時世尊觀四衆已告憍陳如比丘憍陳如一切大衆甚樂聞法無量世界無量衆生悉爲法故來集於此咸皆欲知法行方便成大智慧遠離貪欲一切煩惱真實了知法行方便時憍陳如白佛言善哉世尊誠如聖教世

至優波提舍是名樂讀不名法行復有比丘讀誦如來十二部經樂爲四衆敷揚廣說是名樂說不名法行復有比丘讀誦如來十二部經能廣演說思惟其義是名思惟不名法行復有比丘受持讀誦十二部經演說思惟觀其義理是名樂觀不名法行憍陳如若有有大乘二十三支

比丘能觀身心心不貪著外一切相謙虛下意不生憍慢不以愛水溉灌田業亦不於中種識種子滅覺觀心境界都息求離煩惱其心寂靜如是比丘我則說之名爲法行如是比丘若欲獲得聲聞菩提緣覺菩提如來菩提即能得之憍陳如如工陶師埏埴調泥置之輪上隨意成器法行比丘亦復如是憍陳如若有比丘修法行者當觀三事一者身二者受三者心觀三事已得二種智一者盡智二無生智憍陳如云何盡智云何無生智智盡煩惱名爲盡智智盡有枝名無生智復次無行行智名曰盡智無行果智名無生智盡諸

使智名曰盡智盡煩惱智名無生智復次智盡諸行名曰盡智盡一切有名無生智分別盡物是名盡智知諸縛解名無生智知盡根界名曰盡智知盡緣界名無生智不覺觀煩惱名曰盡智不覺觀果報名無生智復次盡三地智名曰盡智盡一切漏名無生智復次

我生已盡梵行清淨名曰盡智更無餘有名無生智如是二智即名一智亦名一行知於三道若有比丘能斷三道是名法行能作是觀是觀心受云何比丘能觀察身若有比丘觀息出入是名觀身觀受觀心云何名爲觀息入出息入出者名阿那婆那入名阿那出名婆那觀於出入如門如向若有比丘能如是觀是名法行若有比丘能學能數隨息出入冷暖長短若遍滿身繫心臯端能觀新故分別諸相能觀生壞求舍摩他善入於定亦能觀察息入龐細乃至觀於內身身作身想是名比丘修於法行橋陳如修數息時獲得

二事一者離惡覺觀二者觀息相貌修習隨時亦得二事一者專念念心二者離善覺觀於冷暖亦得二事一者分別出入二者觀心數相修觀身時亦得二事一者身輕二者心輕轉觀生滅亦得二事一者知一切法是無常相二者知一切法是無樂相善男子法

有大集二十三

十二

行比丘念出入息繫心一處云何數減二數爲一三數爲二乃至十數爲九是名數減云何數增一數爲二乃至九數爲十是名數增何故修數壞一切覺觀故得初禪時觀息出入及以心相初禪五枝一覺二觀三離生喜四者受樂五者定具五枝時離貪恚癡若有比丘具是五枝是名法行遠離五事成就五事修習楚行成大功德橋陳如若有比丘能得二禪名爲法行若比丘觀息出入繫心一處遠離喜樂得第四禪不喜不樂何以故一心繫念息出入已遠離喜樂得第四禪若有比丘觀息出入則觀五陰若觀五陰是名法

行若比丘見一切法行生滅乃至見一切煩惱生滅是名如法忍若比丘見眼空乃至見意識空是名空忍若比丘見眼無相乃至見意識無相是名無相忍若比丘不願於眼乃至意識是名無願忍若比丘觀苦異樂異不苦不樂異是名中諦忍若爲衆生行於生死

如是名爲隨上諦忍云何隨根隨力隨於覺觀乃至隨涅槃於如是法心不著者是名信忍是名爲信不名信根若攝身心不令造惡是爲精進不名進根若能專念如是等法是名爲念不名念根心心數法能繫一緣是名爲定不名定根若能不觀如是等相是名爲

有大集三

慧不名慧根若觀如是無根是名法行憍陳如若有比丘觀於頂法世第一法觀三解脫空無相願無常苦空是名法行是名空三昧如是三昧緣無壽命緣無自在無相三昧緣盡緣壞緣滅緣厭無願三昧緣於甘露非甘露行有甘露行非緣甘露有空三昧緣於甘

露非甘露行有甘露行非緣甘露無相三昧緣於甘露非甘露行有甘露行非緣甘露憍陳如若有比丘緣慧滅莊嚴入無願三昧是名緣於甘露非甘露行若有比丘緣慧滅而得解脫名曰甘露行非緣甘露空與無相亦復如是憍陳如若有比丘能如是觀是名法

行憍陳如若有比丘觀受觀心是名法行何以故能壞我見二十種故憍陳如斷見我見各有五種色斷乃至識斷是名五斷見色我乃至識我是名五我見憍陳如五種斷見分別則有四十四種十六種說想入說無想八說非想非非想六說種種想六種說斷是名

四十四種我見分別十八四定說我四種說邊四說異事六說無求三昧是名六十二見二十我見因緣能生四百四種煩惱爲離如是諸煩惱故觀於身心是名法行如是比丘能觀身心憍陳如云何八人云何決定憍陳如斷見之人言一念斷常見之人言八忍

斷是二種人俱得決定後離煩惱亦俱無妨
橋陳如能得八忍是名八人得十六心是名
決定是名如法橋陳如若有比丘成出入息
即得八人所名決定橋陳如若有比丘成就
數息即得信根乃至慧根若得五根即得世
間第一法如是比丘能破一切疑網之心是

名真實修習聖行若有比丘成就苦智則斷
十種煩惱是名修初無漏心觀爾時次第觀
無願三昧觀無願時修三十七助道之法是
名無漏定智得苦法忍苦法智集法忍集法
智尔時觀於色界五陰無色界四陰如欲界
苦色無色界亦復如是如是觀已斷色無色

有大集二十三

十八種煩惱十八斷已作是思惟如是諸苦
從何處來誰之所造作是觀已了知是苦從
愛因緣我若不拔如是愛根必當生苦是故
觀集作是觀已斷七煩惱觀欲界集已色無
色界亦復如是如是觀已得比忍比智作是
觀時斷十二煩惱橋陳如具八忍者是名八

人法斷三界集已復你是觀何因緣故斷於
苦集爲安樂故夫安樂者即是滅諦爾時初
觀欲界滅諦得滅法忍斷七煩惱色無色界
亦復如是作是觀已得滅比忍滅十二煩惱
復你是觀何因緣故得是七忍因修七道以
八正道力故知欲界苦集滅諦色無色界苦集
滅諦爾時次生道法忍得已能斷八種煩惱
爾時復觀色無色界得道比忍斷十四煩惱
以修習故遠離八十八種煩惱是名決定得
湏陀洹果是名十六心是名必得菩提是名
七往來斷一切苦橋陳如有人從信決定有
人從法決定有人一生得湏陀洹果乃至得

阿羅漢有人入信根乃至慧根有人修定有
人修慧有人得初禪乃至四禪得入決定觀
一切行無常次第生滅遠離一切凡夫之法
有人觀一切行無常苦空不淨不得自在無
有寂靜從緣而生從緣而滅作是觀已得寂
靜滅諦是名比丘如法而行橋陳如如來了

有大集二十三十五

知一切衆生諸根利鈍亦知一切衆生心性
諸煩惱性是故如來隨應衆生而爲說法隨
諸煩惱宣說對治是故得名薩婆若智橋陳
如我涅槃後有諸弟子受持如來十二部經
書寫讀誦顛倒解義顛倒宣說以倒解說覆
隱法藏以覆法故名曇摩毘多橋陳如我涅
槃後我諸弟子受持如來十二部經讀誦書

寫而復讀誦書說外典受持三世及以內外
破壞外道善能論義說一切姓悉得受戒凡
所問難悉能答對是故名爲薩婆若帝婆橋
陳如我涅槃後我諸弟子受持如來十二部
經書寫讀誦說無有我及以受者輕諸煩惱
猶如死屍是故名爲迦葉毗部橋陳如我涅
槃後我諸弟子受持如來十二部經讀誦書
寫不作地相水火風相虛空識相是故名爲
彌沙塞部橋陳如我涅槃後我諸弟子受持
如來十二部經讀誦書寫皆說有我不說空
相猶如小兒是故名爲婆蹉富羅橋陳如我

涅槃後我諸弟子受持如來十二部經讀誦
書寫廣博遍覽五部經書是故名爲摩訶僧
祇善男子如是五部雖各別異而皆不妨諸
佛法界及大涅槃云何名爲隨於信行若信
三寶具足信根從信因緣入於決定得須陀
洹果斯陀含果阿那含果過色無色界得阿

羅漢果從信得解名信解脫亦名一分亦名
身證名慧解脫是名隨信行橋陳如云何名
爲隨於法行若有從法入於決定具足慧根
得須陀洹果斯陀含果阿那含果過色無色
果得阿羅漢果道名見到二分解脫亦名身
證慧得解脫心得解脫得滅盡定是故名爲
二分解脫是名無學解脫是名法行是名成
就身身觀乃至成就法法觀是名成就毗婆
舍那及舍摩他云何名爲舍摩他舍摩他者
名之爲滅能滅貪心瞋心亂心名舍摩他云
何名爲舍摩他相能滅貪相及瞋恚相名舍
摩他相云何名爲隨舍摩他入於決定若能

有大集五十三

隨修舍摩他行尊重讚歎向舍摩他方便莊嚴是則名爲舍摩他相若有比丘深自思惟我之貪心唯觀不淨乃能壞之瞋恚之心慈能壞之十二因緣能壞愚癡是名舍摩他相云何名爲毗婆舍那若修聖慧能觀五陰次第生滅是名毗婆舍那復次若觀諸法皆如

法性實性實相真實了知是名毗婆舍那云何名爲毗婆舍那相若能成就具足念心觀一切行從緣而生從緣而滅一切行無自在無作無受是名毗婆舍那相云何名爲從毗婆舍那入於決定至心念於毗婆舍那恭敬尊重向莊嚴道是名從於毗婆舍那入於決定云何名爲出法攝心非滅法攝心若比丘能觀心出因緣乃至一切行出因緣是名出法攝心非滅法攝心云何名爲滅法攝心非出法攝心若比丘能深觀察滅心因緣乃至一切行滅因緣是名滅法攝心非出法攝心云何名非出法攝心非滅法攝心若比丘能

觀心性眼性乃至識性是名非出法攝心非滅法攝心云何緣攝心非思惟攝心若比丘能觀出息不觀入息是名緣攝心非思惟攝心云何名爲思惟攝心非緣攝心若比丘觀於入息不觀出息是名思惟攝心非緣攝心云何名爲非緣攝心非思惟攝若比丘觀於

有大集共三

七

心性眼性乃至意性是名非因緣攝非思惟攝橋陳如若比丘能攝心者則得八十諸三昧門及修三解脫若比丘觀過去身及修莊嚴觀身見身是名修無願解脫門若比丘觀過去身已唯見於心而不見身及修莊嚴觀身見身是名修無相解脫門若比丘觀過去身已亦不見作及以作者作者無身身無作者修莊嚴道觀身見身是名修空解脫門受心法亦如是復次橋陳如三解脫門修莊嚴觀觀一切行不出不滅出已則滅滅無所至不至去來是名莊嚴無願解脫門復次觀未來世諸行未出若行未出則無有滅是名莊

嚴無願解脫門不畢竟盡畢竟盡者則無生滅若無生滅即畢竟盡若畢竟盡即空因緣若如是觀畢竟盡者是名莊嚴空解脫門若觀諸行是畢竟盡即無生滅若無生滅即無有空何以故先有後無名之爲空若本無者則無後無若無後無云何名空若無行者即是無爲畢竟盡者非是有爲亦非無爲空亦非行亦非無行是故畢竟盡者非有爲攝非無爲攝是名莊嚴無相解解門若一切行畢竟盡者即是涅槃非是過去未來現在是故非過去行滅名爲涅槃非未來現在行滅名爲涅槃湏陁洹人見是涅槃乃至阿羅漢人見

是涅槃云何名苦諦觀一切行不見第一諦觀一切因不見第二諦觀一切滅不見第三諦觀一切道不見第四諦云何名生本無後有是名爲生云何名滅有已還無是名爲滅無有出滅是名爲盡何因緣故無有出滅名之爲道道有六行修非修行非行知非知若

有比丘能見如是生滅法者是人能厭一切諸行能見一切行無常相云何無常相非無常法若有相雜初無漏相行若有相雜無願解脫門行若有空相苦相不淨相無我相是名無常相非無常法云何無常法非無常相所謂三界色相至法相是名倒相是名捨相有大集二十三

六

非無常相是名無常法非無常相云何無常相亦無常法所謂一切衆生未得決定以世俗道入諸三昧隨法相忍是名無常相亦無常法云何非無常相非無常法所謂寂靜常相解脫淨相是名非無常相非無常法云何名爲得第一諦所謂觀於六根五陰猶如鏡像名得第一諦云何一心觀於四諦若觀諸行悉是苦因以苦因故可見可滅可得遠離如是名爲心緣無漏是故一心獲得四諦名離有漏心得解脫若有比丘觀於心心是名無願解脫門觀心心已觀十二事一者業二者行三者若四者行五者壞六者不自在七

者過去八者現在九者未來十者因緣十一者無行十二者無受是名見於心心名無願空解脫門解脫門若有比丘觀察是心無有心生無出入者能遠離無可遠離是名見於心得空解脫門若觀無有入定之者而得遠離一切煩惱無因緣故煩惱不生是名遠離見於心心得無相解脫門若如是觀即得

遠離有漏之心得無漏解脫憍陳如一切有爲諸行無有決定若不定者云何而得入於定聚若言觀察於三世已得定聚者是義不然何以故過去已盡未來無出現在無常三世觀異云何得入正定聚耶是故一切異觀

有大集二十三

性不決定憍陳如譬如殿堂有四梯橙若言不由初第一橙至四橙者無有是處登初橙時亦不得名登第四已如是四橙亦不名一憍陳如若是四諦即一諦者可一心得憍陳如觀時亦異得時亦異觀時異者因果盡壞得時異者苦智集智滅智道智若有比丘觀

行無常是苦無我不淨無住是漏結緣是一切有是名繫縛是故不求諸陰諸行獸一切得樂求涅槃至心思惟涅槃功德深樂寂靜不惜身命修舍摩他毗婆舍那是名比丘修習法行憍陳如云何比丘心能見心若有比丘能觀察心心是無常是生滅法是名比丘

心能見心如是比丘修空三昧云何名空陰入界空諦空實空十二因緣空性空云何陰空所謂色空無我我所乃至識空無我我所是名陰空入界二空亦復如是云何諦空所謂苦諦無得無捨乃至道諦亦復如是云何實空一切法中無有覺觀我及我所是名實

空云何十二因緣空十二因緣即是十二有枝觀十二枝無我我所是名十二因緣空云何性空若有比丘觀於眼空無我我所乃至意空亦復如是是名法行能觀心心如是比丘不見衆生命夫某甲知諸法性真解世諦爲流布故說陰入界知一切法性無出滅如

是比丘能度生死能知一切苦集滅道能斷煩惱憍陳如若有比丘修習法行知一切法從因緣生從因緣滅如是比丘得三解脫如色真相色真相者所謂礙相受受相想覺相行相識知相是名真知一切法相如是觀已得空解脫門見一切法無作者受者壽命

自在唯見無常苦無我等是名得無相解脫門觀一切法無生無滅是名得無相解脫門憍陳如法行比丘能得神通無惡覺觀口終不說四種惡過無有鬪諍不聽惡言尔時則得遠離五蓋增五善根是名法行比丘獲得初禪入初禪已欲得身通繫心鼻端觀息出

有大集二十三

入深見九万九千毛孔息之出入見身悉空乃至四大亦復如是如是觀已遠離色相獲得神通乃至四禪亦復如是云何法行比丘獲得眼通憍陳如若有比丘觀息出入真實見色既見色已作是思惟如我所見三世諸色意欲得見隨意即見乃至四禪亦復如是

云何法行比丘得天耳通憍陳如若有比丘得初禪時觀息出入觀息出入已次第觀聲乃至四禪亦復如是云何法行比丘得他心智若有比丘觀息出入得初禪時修舍摩他毗婆舍那是名他心智乃至四禪亦復如是云何法行比丘得宿命智憍陳如若有比丘觀息出入得初禪時獲得眼通得眼通已觀於初有歌羅羅時乃至五陰生滅無量劫中五陰生滅乃至四禪亦復如是所言禪者何故名禪疾故名禪疾大疾住大住靜寂靜觀滅遠離是名為禪初禪者亦名具足亦名遠離云何具足云何遠離言遠離者遠離五蓋

言具足者具足五枝所謂覺觀喜安定云何名覺如心覺大覺思惟大思惟觀於心性是名為覽云何名觀心行大行大行遍行隨意是名為觀云何名喜如真實知大知心動至心是名為喜云何為安所謂身安心安受安受於樂觸是名為安云何為定若心住大住

有大集二十三

不亂於緣不謬無有顛倒是名爲定第二禪者同離五事所謂五蓋具足三枝一喜二安三定入第四禪亦離五事具足五枝一者念二者捨三者慧四者安五者定入第四禪亦離五事具足四枝一者念二者捨三者不苦不樂四者定慚陳如若有比丘具足四禪是名法行慚陳如若有比丘觀身眾患遠離身相一切身觸喜觸樂觸分別色陰遠離色陰觀無量空處是名法行比丘入空處定是名比丘修法行慚陳如云何比丘得識處定若有比丘修舍摩他毗婆舍那觀心意識自知此身不受三受已得遠離是三種受是故名爲得識處定是名法行慚陳如云何比丘得少處定若有比丘觀三世空知一切行亦生亦滅空處識處亦生亦滅作是觀已次第觀識我今觀識亦非識非非識若非識者是名寂靜我今云何永斷此識作是觀已得少識處是名比丘得少處定慚陳如云何比丘

獲得非想非非想定慚陳如若有比丘有非心想作是思惟我今此想是苦是漏是瘡是癰是不寂靜若我能斷如是非想及非非想是名寂靜若有比丘能斷如是非想非非想是名獲得無相解脫門何以故法行比丘作是思惟若有受想若有識想若有觸想若有空若有識若有非想非非想如是等想名爲龜想我今若修無相三昧則能永斷如是等想是故見於非想非非想爲寂靜處如是見已入非想非非想定若得非想非非想定已不愛不貪破無明破無明已名爲獲得阿羅漢果前三種定二道所斷後第四定終不可以世間道斷凡夫雖於非想非非想處無龜煩惱亦有十法所謂一受二想三行四觸五思六欲七解八念九定十慧云何爲受所謂識受云何爲想所謂識想云何爲行所謂法行云何爲觸所謂意觸云何爲思所謂法思云何爲欲所謂欲入出定云何爲解所謂法

解云何爲念謂念三昧云何爲定所謂心如法住云何爲慧所謂慧根慧力觀向四果行乃至得阿羅漢果觀於生滅及空三昧觀於四大如四毒蛇如是十法第四空處具足而有以其無有塵煩惱故一切凡夫謂是涅槃橋陳如若有比丘修習聖道厭離四禪及四

空處觀於滅定莊嚴之道作是思惟諸出入息悉是無常我若能斷出入息者即是安樂是故一切諸行因緣悉滅受滅乃至慧滅覺觀滅故陰入界滅貪恚癡滅一切心數法滅一切非心數法亦滅是名不與凡夫共法非是世法是無學法橋陳如若湏阨洹斯阨含終不能得如是滅定若次第得湏阨洹果亦不能得若湏阨洹捨是身已得羅漢果亦不能得若有具足八解脫者是人乃得橋陳如若使如來窮劫盡如說是法目阨羅尼法乃能窮盡是名法無礙智橋陳如如是法目阨羅尼者不可思議橋陳如假使有人能以兔

毛數知海水不能數知法目阨羅尼所有功德若除如來欲說盡者無有是處乃至一切娑婆世界微塵亦尓尓時世尊告金剛山童子言善男子汝所持來法目阨羅尼與今所說頗有異不不也世尊善男子如是說不世尊實如是說善男子若有人能受持此法讀

廿二末

誦書寫廣爲人說當知是人常爲一切人天龍神阿脩羅乾闥婆迦樓羅緊那羅摩睺羅伽等之所守護一切四魔不得其便度煩惱河入八正道金剛山童子言善哉世尊實如聖教尔時世尊告橋陳如若比丘比丘尼優婆塞優婆夷修行是法無能壞者是名施光能淨寂靜無有行處無濁無動無有舍宅無少無多名至處行細行緊行能壞四魔及四魔衆一切邪見度生死河入智慧海常爲諸聖之所讚歎得近如來所坐之處雖復未斷一切煩惱亦得上身無上菩提上色上力上辯上念上慧上處或得典領作四域王若三

二一若作帝釋乃至得作他化自在王若作梵王若復獲得菩提樹下金剛之床梵音深遠其心平等得大悲心得舍摩他壞諸煩惱名無上尊說是法時舍利弗目犍連等於一坐處得阿羅漢果尔時一切世人諸天而讚歎言如來功德不可思議無量衆生得須陀洹果斯陀含果阿那含果阿羅漢果發阿耨多羅三藐三菩提心尔時四天王及功德天白佛言世尊隨是經典所流布處我當護其四部弟子及其國土城邑村聚諸王人民

大方等大集經卷第二十三

有一

大方等大集經卷第二十四

有二

虛空目分第九
世間目品第二

北涼天竺三歲曇無讖

譯

爾時世尊即放眉間白毫相光悉蔽十方諸佛世界日月星宿珠火燈明所照之處一切

朱

石山諸惡棘刺爲不復現十方無量恒河沙等世界衆生見是光已各各繫念思惟善事其中諸佛見是光已各告已衆而作是言善男子過於無量恒河沙世界彼有世界名曰娑婆具足五淨有佛出世号釋迦牟尼如來應正徧知明行足善逝世間解無上士調御丈夫天人師佛世尊無量世界無量菩薩無量聲聞悉集彼土坐彼佛前彼佛即爲宣說法行法目陀羅尼門爲諸聲聞說法行已放大光明將欲演說淨目法門陀羅尼法爲中乘者得緣覺果爲諸菩薩莊嚴成就阿耨多羅三藐三菩提具足十地如來十八不共之法轉不退輪壞三惡趣令修八聖得無上果爾時十方恒河沙等世界諸衆聞是語已各各白佛言世尊我欲往彼娑婆世界至說法處聽受如是淨目法門爾時無量諸菩薩衆悉共來詣娑婆世界到於佛前頭面禮拜却坐一面時此世界無量梵天往至佛所供養